

Universitätsbibliothek Paderborn

**De Monstris Et Monstrosis, Qvam Mirabilis, Bonvs, Et
Ivstvs, In Mvndo Administrando, Sit Devs, Monstrantibvs**

Stengel, Georg

Ingolstadij, 1647

§. 13. Cæci venatoris ingeniosa industria.

[urn:nbn:de:hbz:466:1-51168](#)

sed ne scholas quidem ipsas intuentur. Et fuit, qui in patriam redditurus, ac testimonium diligentiae petiturus, Professorem suum nec de facie quidem nosceret, cui de cetero noti erant alij omnes anguli ciuitatis.

§. XIII.

Caci venatoris ingeniosa industria.

Longè quid mirabilius, de suppleto oculorum defectu legi, apud Panormitanum, in quo quidē cæcus non se ad litteras memoriasq; veteres dediderat, non inscītum tamen, aut inutile ministerium meritoq; obstupescendum fuit. *Audiuiimus, in-*
quit, à rege (Alphonso) cæcum natura Agri-
genti adhuc viuere, quem saepe numero ducem
venationis habuisset monstrantem his ipsis, qui
oculis cernerent, ferarum saltus & latebras;
sed & de huius industria mirū adieciisse: Nem-
pe habuisse hunc aureos ferme quingentos,
deq; his valde solicitum, statuisse in agro de-
fodere, defodientem à vicino eius compatre con-
spectum, eoq; abeunte, pecuniam ablata.
Quum verò paucis diebus thesaurum renise-
ret, neq; inuenisset, animo angi, discruciaro,
exedi, neq; alium coniecturare, nisi vicinum-
compatrem surripere potuisse, accessisseq; ad

Anton.
Panormi
de dictis
& factis
Alfonsi
regis l: 3:

Pp 3 illum

illū, atq; dixisse, esse quod consulere eum oporteat; Tenere se aureos mille, quorum partem dimidiā abstrusisset jam in tuto loco, de reliqua autē dimidia anxium esse, utpote cæcum, & rerum per quam incommodum custodem. Propterea, si ei quoq; visum fuerit, hoc reliquā in eodem loco illo tuto quidem trudi, & abscondi posse: compatrem approbasse consilium, & properè precurrisse, quingentosq; aureos, unde nuper effoderat recondidisse; ratum totos mille sibi nequaquam defuturos. Post hæc cæcum in agrum recurrisse, repertaq; pecunia compatrem appellando exclamasse, Cæcum oculato melius vidisse, latumq; redisse.

S. Augu-
stin. l. 4.
de ciuit.
cap. 21.

Hæc ingenij argutia olim digna fuisse habita, vt pro ea Menti Deæ supplicaretur. Sed quo pacto cæcus, in venatione videntibus potuit ferarum saltus & laterbras monstrare? Erunt, qui dæmonis arti id ascribant. Verum temeritas est, quod non capis animo, illico ascribere magia. Potuit odore, quod non potuit colore comprehendere cæcus. Cum enim, vt in tot exemplis iam vidimus, natura in uno sensu compenset, quod in altero adimit, cur cæco isti, quod abstulit in visu, non potuisse reddere in odoratu? Quod si fecit, iam cessat

cessat quæstio. Quemadmodum enim neque canes visu ferarum latibula, sed odratu duntaxat indagant, ita existimandum est, idem in cæco contigisse, in quo maior virtus esse potuit, quam in bestijs sit *odora canū vis.*

§. XIV.

Exemplum cæci, per nasum videntis.

Adhuc mirabilius aliquid legi, de quo Apollo cælis pex sandalariusue, aut medicus, meritò senatum conuocet; & legi in recentissimo authore, cuius verba hæc sunt. Non reticebo historiam, que humanum Hieron. captum videtur superare, & quæ à Clar. Baldo amico præcipuo idoneis allatis testibus Bardus Platero & Ioanne Rungio l. i. prax. Genuens. Disp. de vis. in Medico Politico symist: verbis Henrici Smetij oculati testis, lib. Catholici 5. Miscel. Medic. Ep. 13. hoc pacto descripta co cap 4. omnino extat. Cæcum, inquit, quendam utraqz Appen- dice 1. oculo orbum naso pro oculis videntem vidi, cuius beneficio obiecta omnia discernebat. Is dextro oculo ante annos multos, cum puer esset, priuatus fuerat, tandem iuuenis factus (rusticus erat) ex ceraso in palum dum i ligneum fastigiatum delapsus, vultum impegit, ut nam, una cum oculo sinistro, genâ, palpebra utraqz, & supercilio disrumperet, adeò fœde, ut Chirurgus oculi globum anulsum prorsus crea-

Pp 4 deret,